

# სენაკის მუნიციპალიტეტის საკრებულოს

დადგენილება №16

2011 წლის 31 მარტი

ქ. სენაკი

## ადგილობრივი (ქონების) გადასახადის შემოღებისა და მისი განაკვეთების შესახებ

„ადგილობრივი თვითმმართველობის შესახებ“ საქართველოს ორგანული კანონის 22-ე მუხლის პირველი პუნქტის „მ“ ქვეპუნქტის, საქართველოს საგადასახადო კოდექსის მე-7 მუხლის პირველი ნაწილის, „ნორმატიული აქტების შესახებ“ საქართველოს კანონის 25-ე მუხლის პირველი პუნქტისა და „სასოფლო-სამეურნეო დანიშნულების მიწაზე ქონების გადასახადის წლიური საბაზისო განაკვეთების დამტკიცების თაობაზე“ საქართველოს მთავრობის 2010 წლის 23 დეკემბრის №394 დადგენილების შესაბამისად, სენაკის მუნიციპალიტეტის საკრებულო ადგენს:

1. შემოღებულ იქნეს სენაკის მუნიციპალიტეტის ტერიტორიაზე ადგილობრივი (ქონების) გადასახადი და მისი განაკვეთები განისაზღვროს დანართი №1-ის შესაბამისად (დანართი №1 თან ერთვის).

2. ძალადაკარგულად გამოცხადდეს „სენაკის მუნიციპალიტეტის ტერიტორიაზე ადგილობრივი გადასახადის შემოღების შესახებ“ სენაკის მუნიციპალიტეტის საკრებულოს 2011 წლის 2 მარტის №14 დადგენილება.

3. ეს დადგენილება ამოქმედდეს კანონმდებლობით დადგენილი წესით გამოქვეყნებისთანავე და მისი მოქმედება გავრცელდეს 2011 წლის 1 იანვრიდან წარმოშობილ საგადასახადო ურთიერთობებზე.

საკრებულოს თავმჯდომარე

ბ. ნარმანია

შეტანილი ცვლილებები:

1. სენაკის მუნიციპალიტეტის საკრებულოს 2011 წლის 27 მაისის დადგენილება №34 - ვებგვერდი, 03.06.2011წ.

დანართი №1

## ადგილობრივი (ქონების) გადასახადის განაკვეთები

### მუხლი 1

საწარმოსთვის/ორგანიზაციისთვის ქონების გადასახადის წლიური განაკვეთია დასაბეგრი ქონების ღირებულების 1 პროცენტი. ამ მუხლის მიზნებისათვის დასაბეგრი ქონების ღირებულება არის საშუალო წლიური საბალანსო ნარჩენი ღირებულება, რომელიც ქვემოთ ჩამოთვლილ შემთხვევებში უნდა გაიზარდოს:

- ა) 2000 წლამდე მიღებულ აქტივებზე – 3-ჯერ;
- ბ) 2000 წლიდან 2004 წლამდე მიღებულ აქტივებზე – 2-ჯერ;
- გ) 2004 წელს მიღებულ აქტივებზე – 1.5-ჯერ;
- დ) იმ აქტივებზე, რომელთა მიღების შესახებ ინფორმაცია არ არსებობს – 3-ჯერ.

### მუხლი 2

საწარმოსთვის/ორგანიზაციისთვის ლიზინგით გაცემულ დასაბეგრი ქონებაზე გადასახადის წლიური განაკვეთია დასაბეგრი ქონების საშუალო წლიური საბალანსო ნარჩენი ღირებულების 1 პროცენტი.

### მუხლი 3

ფიზიკური პირის დასაბეგრი ქონებაზე გადასახადის წლიური განაკვეთებია:

- ა) 100 000 ლარამდე შემოსავლის მქონე ოჯახებისათვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 0.1 პროცენტი;
- ბ) 100 000 ლარის ან მეტი შემოსავლის მქონე ოჯახებისათვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 1 პროცენტი.

**მუხლი 4**

სასოფლო-სამეურნეო დანიშნულების მიწის ერთ ჰექტარზე ქონების გადასახადის წლიური განაკვეთებია:

- ა) სათიბებისათვის – 18 ლარი;
- ბ) სამოვრებისათვის – 15 ლარი;
- გ) გაკულტურებული სათიბებისათვის – 20 ლარი;
- დ) გაკულტურებული სამოვრებისათვის – 16 ლარი;
- ე) კარგი ხარისხის სხვა მიწებისათვის – 76 ლარი;
- ვ) მწირი ხარისხის სხვა მიწებისათვის – 60 ლარი.

*სენაკის მუნიციპალიტეტის საკრებულოს 2011 წლის 27 მაისის დადგენილება №34 - ვებგვერდი, 03.06.2011წ.*

**მუხლი 5**

ყოფილი საკოლმეურნეო და საბჭოთა მეურნეობის ტყეების მიწის ერთ ჰექტარზე ქონების გადასახადის წლიური განაკვეთია 20 ლარი.

**მუხლი 6**

ბუნებრივი რესურსებით მოსარგებლე პირისათვის შესაბამისი ლიცენზიის გაცემის საფუძველზე გამოყოფილი მიწების ერთ ჰექტარზე ქონების გადასახადის წლიური განაკვეთია 3 ლარი.

**მუხლი 7**

1. არასასოფლო-სამეურნეო დანიშნულების მიწის ერთ კვადრატულ მეტრზე ქონების გადასახადის წლიური განაკვეთები ქალაქ სენაკსა და მის სოფლებში, თემებში განისაზღვროს შემდეგი ოდენობით ლარებში:

| № | სენაკის მუნიციპალიტეტი                      | ტერიტორიული კოეფიციენტი | საბაზისო განაკვეთი 1 მ <sup>2</sup> -ზე (ლარებში) | წლიური გადასახადის განაკვეთი 1 მ <sup>2</sup> -ზე (3X4 ) |
|---|---|-------------------------|---|--|
| 1 | ქ. სენაკში                                  | 0,58                    | 0,24  | 0,14   |
| 2 | სენაკის მუნიციპალიტეტის თემებსა და სოფლებში | 0,29                    | 0,24  | 0,07   |

**მუხლი 8**

საქართველოს საგადასახადო კოდექსის 206-ე მუხლის პირველი ნაწილის „ბ“ და „გ“ ქვეპუნქტიდან გამომდინარე, შესაბამისი დასაბეგრი ობიექტის მიხედვით, ქონების გადასახადისგან გათავისუფლდეს:

- ა) საცხოვრებელ სახლზე მიმაგრებული მიწის ნაკვეთები;
- ბ) ავტოფარეხებზე მიმაგრებული მიწის ნაკვეთები;
- გ) მრავალბინიან სახლში მცხოვრები ფიზიკური პირის თანასაკუთრებაში არსებული ფართობი.

## **მუხლი 9**

ქონების გადასახადის გამონაგარიშებისა და გადახდის წესი, შესაბამისი დაბეგვრის ობიექტის მიხედვით ქონების გადასახადისაგან გათავისუფლებული ქონების სახეები დადგენილია საქართველოს საგადასახადო კოდექსის 205-ე და 206-ე მუხლებით.